

AGENDRE BA MBONGI NI'AMONI'Ö

Kamis, 25 Desember 2025

**Ira Ama, Ina ba talifusö ni'omasi'ö ba khö Zo'aya ya'ita Yesu
Keriso, databörögö khöda kebaktian**

1. FANGOWAI BA FOGAONI

Fangowai

SA : Ma'owai ami fefu ba döi Zo'aya ya'ita Yesu Keriso, nitörö tödöda
Fa'atumbu ba Mbongi Ni'amoni'ö bongi andre.

Ya'ahowu Mbongi Ni'amoni'ö

SATO : Ya'ahowu Mbongi Ni'amoni'ö

SA : Ya faofao khömi Lowalangi.

SATO : Ya fao khöu Geheha-Nia.

Fogaoni :

SA : Da ta'owuawua'ö dödöda we'amöi mangondrasi si tumbu andrö,
data'omusoi'ö dödöda ba wamalua fasumangeta khö Lowalangi. Tasuno
Ia, manunö ita moroi ba Mbuku Zinunö numero :

54. NO TUMBU KHÖDA YESU

1. Notumbu khöda Yesu, ba Mbetilekhema

Iröi zorugo yawa, Isawa danöda. Duhu, duhu, Isawa danöda.

2. No fa'omasi Nama, wa möi Yesu khöda.

Ya dozi oi tatema, me lö baero-Nia. Duhu, duhu, me lö baero-Nia.

3. Utou'ödo khö-Nia, awö zi so khögu.

U'omasi'ö la, moroi ba dödögu. Duhu, duhu, moroi ba dödögu.

4. Khö-Nia wa'aurigu, götö wekoligu.

Me no göi lhölido, Iheta zalagu. Duhu, duhu, Iheta zalagu.

5. Tohude ba dödögu, Ndra'ugö So'aya.

We'ewe'e dödögu, sagötö fa'ara. Duhu, duhu, sagötö fa'ara.

2. FANGA'ARO'Ō WA'OWULO (VOTUM)

SA : Da tahonogö dödöda ba wariawösa, ba ba wa ha sambua khö Lowalangi, (*muzizio zato*)

No owulo ita ba da'e, ba dōi Lowalangi Ama, ba ba dōi Nono-Nia Yesu Keriso, ba ba dōi Geheha Ni'amoni'ö. Fangorifida ha ba dōi Yehowa si no momböi banua si ya'wa awö danö....

SATO : YADUHU.

SA : Tumbu dania khöda nono, tebe'e khöda nono matua; tebe'e ba galisi-Nia wamatörö ba tebe'e tōi-Nia Zahōlihōli dödö ba Samolala tōdö ba Lowalangi sabölö, ba Ama zi lö aetu ba Salawa wa'atulö.

HALELUYA.....

SATO : Manunö:

Haleluya.... Haleluya... Haleluya

SA : Mangandrö ita:

He Lowalangi Ama khöma, si so ba zorugo! Masuno Ndra'ugö ba ma'andrö saohagölö-U, me no Öfatenge khöma Nono-U Yesu Keriso, si no tobali ösi niha, ba wangorifi ya'aga. Ma'andrö khö-U, be'e ohahau dödöma iada'a ba wanörö tödö fa'atumbu-Nia, ba be'e aboto ba dödöma, wa khöma sibai manandrösa halöwö-Nia. Ondrasiga göi bongi, si mane me Öfatenge mala'ika sangondrasi ira kubalo luo no; foloi ba dödöma zogömigömi, ba angali'ö haga-Mö andrö, afu tola ma'omasi'ö era'erama zomasi dödö-U, he ba nirongoma, he ba ni'ila höröma, ena'ö tobali fondrou'ö wanga'aro'ö famatima khö-U, ba ba khö Nono-U, Yesu Keriso. He So'aya! Tolo dozi sangomasi'ö fa'ato'ele-Mö, awö dozi sihulu tödö ba wombalombaloi inötö we'aso-Mö ba luo safuria, ena'ö falukha ira wondrara dödö. Ondrasi göi zofökhö si tebai mangondrasi omo-Mö, ba rara dödö zi numana, sangaröngarö, si göna abula dödö, si tosasa, awö zi so ba gurunga, mendrua manö nifakao gafökha. Tologa Eheha-Mö andrö, ena'ö oi te'orifi ndra'aga fefu ba gamozua. Yaduhu.

(*Mudadao Zato*)

3. FANUNU LILI

SA Iada'e tefalua wanunu lili, si no tandra wa'atohare haga ba gulidanö, ya'ia Yesu Keriso, sohagaini ösi gulidanö. Faosumange khö ndra ama, ina nikaonima töi dania, ena'ö lahalö nahiara tanö fõna andre :

Sanunu lili

1. Bapak Pendeta Preses
2. Bapak Guru Jemaat
3. Ketua BPMJ
4. Sekretaris Jemaat
5. Ketua Panitia
6. Mewakili Pemerintahan : Bapak A. heppy Hulu
7. Mewakili Komisi Kaum Bapak : Bapak A. Rini Hulu
8. Mewakili Komisi Perempuan : Ibu I. Nelvan Hulu
9. Mewakili Komisi Pemuda dan Remaja : Sdra Mei krisman Hulu
10. Mewakili Komisi Pelayanan Anak : Ibu I. ELen Hulu
11. Mewakili Satua Niha Keriso : Bapak A. Ewen Hulu
12. Mewakili Tokoh : Bapak A. Gabeba Hulu
13. Mewakili Jemaat : Ibu I. gavin Hulu

2. SANGANDRO : 1. Bapak Guru Jemaat
2. Ibu I. Suka Hulu

3. LITURGI RAGAM BAHASA

SH *(Muzizio Zato)*

I'otarai aekhu niha ba horö, no tobalu sogömigömi danö ba si bongi zombalugö soi niha. Ba hiza, börö wa'omasi Lowalangi, wa no möi ba khöda haga andrö, ya'ia Yesu Keriso. Imane Yesu: Ya'odo haga nösi guli danö andrö. Solo'ö Ya'o, ba lõ mowaöwaö ba zogömigömi, so sa'ae khönia haga ba wa'auri andrö. Yaduhu.

SA Manunö **“Bongi No”**, nidöniai'ö dirgent

(Mumadao Zato)

4. FOMBASO TAROMALI LOWALANGI + WAÖWAÖ WA'ATUMBU YESU :

SA Faombaso taromali Lowalangi nihalö moroi ba zura **YESAYA 11.:1-5**,
imane taromali Lowalangi :

[1] I. Tumbu dania lewiö ba duhe iza'i andrö ba mowua nono, si oroi
wa'ania.

[2] Ba ahono khönia Geheha Yehowa; Eheha sama'ema fa'atuatua ba
fa'aboto ba dödö ba famolala tödö ba fa'abölö ba fangila watahögö ba
fangata'ufi Yehowa.

[3] Samohua khönia wangata'ufi Yehowa andrö; tenga ni'ila hörönia
dali wanguhukunia, ba tenga dali wangetu'ö huku nirongo dögi
dalingania;

[4] Satulö sa'ae dali khönia wame'e huku ba zi numana, ba i'adölö'ö
wangetu'ö huku ba zebua famakao ba danö. Famözi niha guli danö
khönia zi'o mbawania andrö [taroma linia] ba famunu zebua horö
khönia hanuhanu andrö ba mbewenia.

[5] Fa'atulö mböbö löwilöwinia ba fa'aduhu mböbö talu khönia.

Tefatohu wombaso waöwaö wa'atumbu Yesu, *möi föna ndra petugas
sombaso*,

manunö ita moroi ba BZ. Numero **54:1: No Tumbu Khöda Yesu**

1. No Tumbu khöda Yesu, ba Mbetilekhema

Iröi Zorugo yawa, Isawa danöda

Duhu, duhu, Isawa danöda

Fombaso Luka 2:1-7 (SNK A.Heppy Hulu)

Fombaso Luka 2:8-14 (SNK A. Wisdom Ziliwu)

Fombaso Luka 2:15-20 (SNK A. Kiano Hulu)

(Nitöngöni : awai wombaso, mangawuli zombaso ba nahia)

SA : Manunö moroi ba BZ. 54 : 2

2. No fa'omasi nama, wa möi Yesu khöda

Ya dozi oi tatema, me lö baero-Nia

Duhu, duhu, me lö baeroNia

5. FASÖMBATA

SA : Iada'e tebe'e khöda ginötö ba wolohe fasömbatada khö Lowalangi. Ta'osamuzaigö wame'e, he fasömbata si föföna, ba si manö göi zi mendrua awö zi medölu. Ba si föföna ua da tafondrondrongo daroma Li Lowalangi me imane:

Ba möi yomo ndra Ere, ba hiza Nono awö nina-Nia, ba labalöduhini tou danö, mangalulu khö-Nia ba labokai naha gana'ara, mamuala ira khö-Nia, balaki ba kumöyö ba emuri.

Da tafa'ema wasömbatada khö Lowalangi, ba manunö ita moroi ba mbuku zinunö no. **261 : 1 - 6 “Ya'e Zumange”**

1. Ya'e zumange fasömbata, ma'o he sumange Yehowa.

Reff : Ma'andrö khö-U fa-ho-wu'ö zu-mange ni 'o- he ma khö-Mö

2. Ya'e zumange fasömbata ma be'e soroi ba dödöma.

Reff : Ma'andrö khö-U

3. Ya'e zumange fasömbata buala si'otari Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

“Da tafasao wasömbatada andre föna Lowalangi,

Muzizio zato

Dumadao Zato

1. KOOR/VOKAL GROUP

SA : Da tafaogö dödöda ba wanuno Lowalangi faoma Sinunö ni'olohesi:
Koor ba Vokal Group.

(1)

(2)

(3)

2. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi ba Mbuku Zinunö Numero :

163. Uhonogö Sibai Dödögu

Uhonogö sibai dödögu ba wamondrondrongo LiMö Yesu

Mangalulu ndra'odo fōna-U ba gametahö-Mö iada'a

Ōbayoini EhehaU Yesu dozigö mbanuaU samati khöU

Ubokai dödögu Khö-U Yesu nahia daromali-U

Taroma Li-Mö Löfa'atebulö, menewi, ma'ökhö ba si'ogötö'ö lö sa mamalö,

Taroma Li-Mö simöi fangabölö utema'ö soroi ba dödö tolo ba wolo'ö.

3. HUHUAO SEBUA

SH : Ya irorogö dödömi, awö gera'erami fa'ohahau dödö andrö, khö Lowalangi, sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi (molo'ö perikopen).
- b. Fanuriaigö
- c. Nitano ba dödö
- d. Fangandrö Fanga'aro'ö huhuo

SATO : Manunö : BZ. Numero:154: 1 **NO MAFONDRONDRONGO LIU.**

. No mafondrondrongo li-U, Lo-wa-la-ngi So'a - ya.

Tanö ba dödöma ia, faböi olifuga.

Fahowu'ö ia khöma, ena'ö ohahau dödöma fefu.

Heta ba dödö zi lö sökhi,ma'o'ö niwa'öU.

4. TUHO WAMATI

SA : Me no tarongo daroma Li Lowalangi, ba da tafaogö lida wamaduhu'ö famatida ya'ita niha Keriso fōna Lowalangi, **muzizio ita fefu.....**

Endronga lida:

- SA + SATO** : ❖ Ya' o mamati khö Lowalangi Ama si lö ambö fa'abölö, somböi banua si ya'wa awö danö.
- ❖ Ya' o mamati khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amonio, ono nono alawe Ia, no manaögö huku Ia, barö mbawa Fondrio Filato, teforöfa Ia, mate, ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya' o mamati khö Geheha Ni'amonio, ba ufati ha sambua mbanua ni'amonio, fefu niha Keriso, fa'awösa niha ni'amonio, ba fangefa horö, ba femaoso mboto zi mate, ba fa'auri silöaetu. Yaduhu.

(mudadao zato)

5. MANUNO:

SA : Manunö ita moroi ba Mbuku Zinunö numero

72. AE TÖRÖI GULIDANÖ

1. Sata'u ndra kubalo si so ba membua.

Me so haga Zo'aya samasui ya'ira.

Reff: Ae töröi gulidanö faduhu'ö fefu ba niha. No tumbu Zangorifi, Keriso So'aya.

2. Me möi tou mala'ika wangombakha khöra.

Wa no tumbu Mesia ba Mbetilekhema.

Reff: Ae töröi gulidanö faduhu'ö fefu ba niha. No tumbu Zangorifi, Keriso So'aya.

3. Duhu wa'anumana me tumbu Mesia.

Ba luha lafagaya ha du'u wöröma.

Reff: Ae töröi gulidanö faduhu'ö fefu ba niha. No tumbu Zangorifi, Keriso So'aya.

6. FANGANDRÖ SALAHI + **FAMATENG** + HOWUHOWU

SH : Muzizio ita fefu, mangandrö ita: (tetohugö): Ba döi Zo'aya ya'aga Yesu Keriso, si no mamahaö ya'aga ba wangandrö mamane:

SH+ : He Ama khöma si so ba zorugo, ya te'amoni'ö döi-U. Ya tobali banua-U
SATO fefu niha, ya itörö zomasi Ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lõ sökhi. Me ya'ugö zamatörö banua-U, ba sokhō fa'abölö, awö lakhömi, irugi zi lõ aetu. Yaduhu.

SH : **FAMATENG + HOWUHOWU:**

Mi'angawuli si fao fa'ohahau dödö, ya tobali ami banua niha Keriso samaduhu'ö haga si no mitema ba wa'atumbu Zo'aya ya'ita Yesu Keriso, ba lala wa'aurimi sero ma'ökhö, ba mitema (tatema) howuhowu Lowalangi:

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia khömi/khöda, Ya mu'ebua'ö dödö-Nia khömi/khöda
- ❖ Ya mufalemba hörö-Nia khömi/khöda, Ya mube'e wa'ohahau dödö khömi/ khöda fefu. Yaduhu.

(ma zui)

Ya falukha ami/ita fefu wa'ebua dödö Zo'aya ya'ita Yesu Keriso ba fa'omasi Lowalangi Ama ba fa'awösa Geheha Ni'amoni'ö. Yaduhu

SATO : Manunö ita moroi ba mbuku zinunö no.

54. ayati 5

Lala : Notumbu Khoda Yesu

5. Tohude ba dödögu, Ndra'ugö So'aya.

We'ewe'e dödögu, sagötö fa'ara. Duhu, duhu, sagötö fa'ara.

Mazui

70. ayati 4

Lala : Lowalangi No fa'omasi

4. Talau manunö tafosumange Razo si tumbu bongi da'a.

Ya'ia khöda lala ba wogamö, naha si no mo'ahonoa.

SH : Ya'ahowu Mbongi Ni'amoni'ö ba Ya'ahowu wamaondragö Döfi Sibohou

SATO : Ya'ahowu